

Tuesday, April 28, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

**REGIONAL NEWS BULLETIN
(MIDDAY)**



PRE MONSOON RAINS

Fur intham chho mekah, thli leh ruah nasa tak a thawk mek a, ni 3 chhung chu ruah leh thli hi a thawk zui tura hmuh lawk a ni.

Vawiin hian hriat theih chinah Aizawl leh District hrang hranag him tlan zawk nan sorkarin sikul a khar tir a ni.

Chief Minister Pu Lalduhoma chuan To haw in thli na tham tak a rawn ken tel avangin hmun thenkhatah chhياتna a thlen hlawm tih a hriat thu sawiin Heng, chhياتna tuarte hi sorkar chuan a thlahthlam dawn lova. Dan anga tanpuina awm thei apiang a tihsak zel dawn a ni, a ti.

An hriat theih chinah Chhipphir, Lungsei leh Sialsuk lamah te chhياتna a thleng tih sawiin Chief Minister chuan chenna in chan vek te, eng emaw zat chhia te an awm a, DDMA zawng zawngte chu tanpui ngaite rang taka lo tuamhlawm zel turin a chah a ti a. Chhياتna tuarte tanpuia tha leh zung sengtu YMA leh khawtlang mipuite chungah lawmthu a sawi bawk.

Hetihlai hian, Nimin tlai thli avanga chhياتna thlengin Serchhip Dist a Bungtlang chhimveng-ah chenna 5 a chhia a, Hengte bakah hian Thenzawl Vengthar leh Kananah te leh, Serchhip field veng ah te in engemaw zat chhiain, Serchhip vengchungah in 3 a chhe bawk a, heng in chhia te hi vawiin hian a remchan dan anga thawm that hna khawtlang huapa thawh a ni a.

Nimin tlai thli tleh ah khan thing tlu a tam hle a, vanduinah leh harsatna lian lutuk erawh thleng lo in, Serchhip khawpui chhung electric power erawh a la mumal thei meuh lo va, Bawrhshapin vawiin zirna in chawlhah a puang bawh



AMC

Aizawl Municipal Corporation (AMC)-a ZPM sorkar thar Mayor atan Pu H Lalremtluanga, Ward No.6 ruat a ni a, Ward No. 16 corporator Pi R Lalawmpuii chu Deputy Mayor a ni dawn.

AMC ZPM sorkarah hian Executive Corporator atan mi 4 ruat an ni bawh.

ZPM Party chuan vawiin khan Aizawl Vaivakawn YMA Hall-ah 'AMC-a hnehna chan lawmna' an buatsaih a; ZPM president Pu Lalduhoma, chief minister-in kaihruaiin, UD&PA minister Pu K. Sapdanga'n thu a sawi bakah AMC ZPM sorkara hruaitu turte a puang nghal a ni.

Kum 2026-2031 chhung atana Aizawl Mayor turin Ward No. 6 - Chanmari West, Edenthar, leh Hunthar veng atanga corporator atana thlan tlin Pu H Lalremtluanga ruat a ni a; Pu H Lalremtluanga hi AMC By-election 2024 khan Ward No.6-ah hian thlan tlin a lo ni tawh a ni.

Deputy Mayor atana ruat Pi R Lalawmpuii hi Ward No. 16 - Bethlehem Veng, Bethlehem Vengthlang, College Vengah kum 2021 AMC inthlanpuiah khan reserved seat atangin thlan tlin a ni a, tun tum inthlanah khan general seat-ah dingin, thlan tlin leh a ni.

AMC Executive Corporator atan hmeichhia pakhat leh mipa pathum ruat an ni a - Ward No. 8 atanga a zawna thlan tlin Pi Christina Roluahpuii Sailo, Ward No 13 atanga thlan tlin Pu Vanlalhruaia, Ward No. 3 atanga thlan tlin Pu Vanlalfaka leh Ward No 18 atanga thlan tlin Pu K. Lalrodinga-te an ni a, mipa thumte hi corporator an nih vawi khatna theuh a ni.



UNION MOS

Mizoram tlawha lo zin mek Union Minister of State for Home Affairs Pu Bandi Sanjay Kumar chuan video conference kaltlangin vawiin khan Siaha district chhunga sawrkar department hotute a kawm a, Siaha District Bawrhshap Pu VL Hruaizela Khiangte hovin head of office leh MADC Official ten DC Mini Conference hall, Siaha atangin an lo chhim a ni.

Union Minister of State for Home Affairs Pu Bandi Sanjay Kumar hi vawiin hian Siaha tlawh tura duanlawk ni mahse khua in a zir loh avangin ruahmanna tih danglam a ni.

He hunah hian Department hotuten district chhunga hmalakna hrang hrang tarlang in, an hnathawh meka harsatna an tawhte an thlen nghal bawk. Cross border chungchang bakah thenawm ram te nena insumdawn tawn chungchang te, Ruihtheihthil leh puakthei thil lakluh chungchangte bakah zirna leh hriselna lama district dinhmun leh chawikan zel dan tur te sawiho a ni.

